

YOSHLAR OVOZI

O'zbekiston yoshlar ittifoqining ijtimoiy-siyosiy, iqtisodiy, adabiy-badiiy gazetasi

БУХОРО: ЯНГИ МАРРАЛАР САРИ ДАДИЛ ҚАДАМЛАР

Ўзбекистон Республикаси Президенти Шавкат Мирзиёев жойларда амалга оширилаётган бунёдкорлик ишлари, иқтисодий-ижтимоий ислохотларнинг бориши билан танишиш мақсадида 16 февраль куни Бухоро вилоятига ташриф буюрди.

Давлатимиз раҳбари 2017 йил 10-11 март кунлари вилоятга ташрифи чоғида барча соҳаларни ривожлантириш бўйича кенг қўламли режаларни белгилаб берган эди. Ушбу топшириқлар ижроси доирасида улкан ишлар амалга оширилди. Янги sanoat корхоналари, тадбиркорлик субъектлари ташкил этилди.

Маҳаллийлаштириш даражаси ва экспорт ҳажми ошди. Транспорт ва сервис инфратузилмаси ривожланиб, сайёҳлар оқими кўпайди. Қишлоқ ҳўжалигида фойдаланилмаган имкониятлар ишга солинди. Янги уй-жойлар, ижтимоий объектлар бунёд этилди.

Шавкат Мирзиёев Бухоро вилоятига ташрифини Баҳоуддин Нақшбанд мажмуаси зиёратидан бошлади.

Юртимиз қадимий қадамжоларга бой. Бу заминда буюк алломалар, диний ва дунёвий илм эгалари яшаб, ижод қилган. Президентимиз томонидан миллий маданий меросимизни асраб-авайлаш, ривожлантириш, юртимиздаги тарихий обида ва ёдгорликларни тиклаш, ўрганиш ва келажак авлодларга етказиш борасида кенг қўламли ишлар амалга оширилмоқда.

Давлатимиз раҳбари 2017 йил 10 март куни Баҳоуддин Нақшбанд мажмуасида бўлиб, бу ерни янада обод масканга айлантириш, зиёратчилар учун зарур шароитлар яратиш борасида мутасаддиларга тегишли кўрсатмалар берган эди.

Президентимиз ўтган вақт мобайнида қилинган ишларни кўздан кечирди. Таомилга биноан ўтганлар руҳига Қурьон тиловат қилинди.

Президентимизнинг 2017 йил 11 июлдаги "Абдухлоқ Гиждувоний таваллудининг 915 йиллигини ва Баҳоуддин Нақшбанд таваллудининг 700 йиллигини нишонлашга тайёргарлик кўриш ҳамда уни ўтказиш тўғрисида"ги фармойиши ижроси юзасидан тизимли ишлар олиб борилмоқда. Шавкат Мирзиёевга мазкур саналар муносабати билан амалга оширилган маънавий-маърифий, илмий-амалий тадбирларни ташкил этиш бўйича "йўл харитаси" ҳақида маълумот берилди.

Давлатимиз раҳбари мазкур тадбирларни юқори савияда ўтказиш, бунинг учун барча манбалардан фойдаланиш лозимлигини таъкидлади.

Баҳоуддин Нақшбанд, Абдухлоқ Гиждувоний, Ориф Ревғарий, Али Ромитаний, Бобойи Самосий, Маҳмуд

Фағнавий, Саййид Амир Кулол каби меъморий мажмуаларни ўз ичига олган етти пир зиёратгоҳи нафақат юртдошларимиз, балки бутун дунё мусулмонлари учун табарруқ масканлар ҳисобланади.

Президентимизга мазкур мажмуаларни реконструкция қилиш ва янги сайёҳлик йўналишларини очиш бўйича қилинадиган ишлар ҳақида маълумот берилди. Унга мувофиқ, бу мажмуалар қайта таъмирланиб, қўшимча бино ва иншоотлар қурилади. Атрофи ободонлаштирилиб, меҳмонхона, чойхона, савдо мажмуалари, автотураргоҳлар барпо этилади.

Мазкур мажмуалар ўртасидаги умумий масофа 122 километр. Шавкат Мирзиёев мажмуалар орасидаги йўллар бўйида замонавий инфратузилма ташкил қилиш бўйича кўрсатма берди. Бухоро давлат университети хузурида Бухоро тарихини ўқитадиган махсус факультет очиш кераклигини таъкидлади.

— Етти пир этган қадамжолар орасидаги йўллар бўйида улар ҳақидаги маълумотлар акс этсин. Зиёратга келганлар кенг маълумотга эга бўлсин. Бунинг учун кадрлар тайёрлашга эътибор бериш керак, — деди Президентимиз.

Давлатимиз раҳбари ташриф давомида Бухоро туманидаги "Бухоро балиқ sanoat" масъулияти чекланган жамиятида бўлди. Мамакатимизда аҳолининг балиқ маҳсулотларига эҳтиёжини таъминлаш, тармоқда иқтисодий ислохотларни чуқурлаштириш, мазкур соҳада фаолият юритаётган ҳўжаликлар моддий-техник базасини мустаҳкамлашга алоҳида эътибор қаратилмоқда.

Кейинги йилларда озиқ-овдат хавфсизлигини таъминлаш, жумладан, сифатли балиқ маҳсулотлари етиштириш ҳажмини ошириш бўйича бир қанча дастурий чора-тадбирлар ишлаб чиқилди. Хусусан, Президентимизнинг 2017 йил 1 майдаги "Балиқчилик тармоғини бошқариш тизimini такомиллаштириш чора-тадбирлари тўғрисида"ги фармойиши ижроси юзасидан тизимли ишлар олиб борилмоқда.

Уюшма томонидан табиий ва сунъий сув ҳавзаларини балиқдантириш учун қимматли балиқ турларини кўпайтиришни йўлга қўйишда балиқчилик тармоғи ташкилотларига кўмаклашиш, личинка етиштириш бўйича янги инкубация цехлари ташкил этиш, балиқ чавоғи етиштириш ҳажмини кўпайтириш, чавоқ ҳовузларини модернизация қилиш ва кенгайтириш бўйича қатор ишлар амалга оширилди.

(Давоми 2-саҳифада)

» TASANNO!

КАМОЛ ЭТ КАСБКИМ...



"Бешиқдан қабргача илм изла", — дейдилар. Мутолаа бобида беқиёс ибрат кўрсатиб, олти ёшида Атторнинг "Мантиқ ут-тайр"дек салмоқли асарини ёд олган Навоийдек буюк аллома ҳам "Камол эт касбким, олам уйидин, Санга фарз ўлмағай гамнок чиқмоқ" дея инсонларни комилликка чорлагани бежиз эмас. Аёнки, камолотга элтувчи энг равон йўл мутолаа йўлидир.

Ўзбекистон Республикаси Президенти Шавкат Мирзиёевнинг 2017 йил 13 сентябрдаги "Китоб маҳсулотларини нашр этиш ва тарқатиш тизimini ривожлантириш, китоб мутолааси ва китобхоналик маданиятини ошириш ҳамда тарғиб қилиш бўйича комплекс чора-тадбирлар дастури тўғрисида"ги қарори жамиятимизда ана шу эзгу йўлни янада мафтункор этгани сир эмас.

Ёшларимизнинг китобга, билим эгаллашга муносабати ижобий томонга ўзгараётгани эса, шубҳасиз, энг катта ютуғимиздир. "Ёш китобхон" республика танловининг финал босқичи ҳам бу фикрни яққол тасдиқлади.

Ж.ЭРКИНОВ

БОЙ ТААССУРОТ ҚОЛДИРДИ

Аввал хабар қилганимиздек, Ўзбекистон – Россия II ёшлар форуми иштирокчилари қўҳна ва боқий Бухоро шаҳрида ўз ишини давом эттирди. Дастилаб меҳмонлар Ёшлар маркази фаолияти билан танишди. Шу жойнинг ўзига марказдаги тўғарақлар аъзолари билан давра суҳбати ташкил этилди. Ёшлар ташкилотлари ўртасидаги ҳамкорликни кучайтириш, ўзаро дўстлик алоқаларини мустаҳкамлаш, туризмга доир қўшма лойиҳаларни

анъаналар руҳида тарбияланаётгани, айниқса, эътиборлидир. Институтимизда ўзбекистонлик талабалар кўп. Улар жуда интилувчан йигит-қизлардир. Давра суҳбати якунлангач, делегация аъзолари рус фольклори намуналаридан тuzилган концертдан баҳраманд бўлди. Шаҳарнинг тарихий қисмига уюштирилган саёҳат россияликларда катта таассурот қолдирди. Кейин меҳмонлар Самарқандга йўл олди.

Самарқанд шаҳридаги "Китоб олами" савдо мажмуасига келган делегация "Буюк мерос" кўрик-танловининг устидан чиқди. — Мамакатингиз ҳақида кўп эшитганим, — дейди Россия ёшлар иттифоқи лойиҳа раҳбари Светлана Скорикова. — Ва ниҳоят, Ўзбекистонга келдим. Бу юрт мени лол қолдирди. Форумдек лойиҳалар тез-тез ташкил этилишини истардим.

Самарқанд иқтисодиёт ва сервис институтида ўтказилган давра суҳбати ёшлар туризмни ривожлантириш истиқболларига бағишланди. Ўзбекистон ёшлар иттифоқи хузуридаги Ёшлар туризми агентлиги ҳамда Россия Федерациясининг Волгоград шаҳри маъмурияти Ёшлар сиёсати ва туризм масалалари қўмитаси ўртасида сайёҳлик соҳасида ҳамкорлик бўйича меморандум имзоланди.

Тадбирдан сўнг форум иштирокчилари "JV ManAuto-Uzbekistan" қўшма корхонасида бўлиб, бу ерда меҳнат қилаётган ёш мутахассислар билан соҳа фаолиятини ривожлантириш бўйича фикр алмашди.

Мухбирларимиз

» ESHITDINGIZMI?

МАСЛАҲАТНИ МАСОҲАДАН ОЛАСИЗ



Ўзбекистон Республикаси Президентининг виртуал қабулхонасида "Онлайн маслаҳатчи" модули синовдан ўтказилляпти. Эндликда мурожаат этувчилар керакли соҳа ва тармоқ мутахассислари билан боғланиши ҳамда ўз саволларига жавоб олиши мумкин.

ТАРБИЯЧИЛАР ОЛИЙ МАЪЛУМОТЛИ БЎЛАДИ

Янги ўқув йилидан бошлаб юртимизда мактабгача таълим йўналиши бўйича уч йиллик бакалаврият таълими жорий қилинади. Бунда Жанубий Корея тажрибасидан фойдаланиш кўзда тутилган. Эслатиб ўтаимиз, ҳозир боғчаларда фаолият кўрсатаётган 60 минг тарбиячининг атиги 21 фоизи олий маълумотли.



ХИВА ХОНЛИГИ КАНЦЕЛЯРИЯСИ



ЮНЕСКОнинг "Жаҳон хотираси" дастури рўйхатига киритилди

Нодир жамланмадан хонлик даврида юритилган ҳўжатларнинг асл нусхалари ўрин олган.

Ҳозир у Ўзбекистон Республикаси Марказий давлат архивида сақланмоқда.

Ўзбекистондан Европага 5 МИММИОН ДОЛМАРЛИК ҚОВУНЛАР БОРАДИ

Вакилларимиз Германияда ўтказилган "Fruit Logistica" халқаро кўргазмасидан ана шундай натижа билан қайтди. Эътиборлиси, энди тилчи ёрувчи неъматларимиздан нафақат Болтиқбўйи мамлакатлари, балки Германия, Франция, Бельгия фуқаролари ҳам баҳраманд бўлиши мумкин.



Ўз ахборотимиз

